

HEADLINES

۱. لیفٹیننٹ گورنر منوج سنہا نے کشتواڑ مانہ راحت غا کماں گوجانزو لیو تے تباہ شدہ گھراں غی تعمیرگی یقین دہانی کرائی۔
۲. وزیراعلیٰ عمر عبداللہ نے چسوتی علاقہ گودورو کیوتے متاثرین واسطے امداد گواعلان کیو۔
۳. جموں کشمیر گاناو طبی کالجاں مانہ اسسٹنٹ پروفیسراں غی آسامیں منظور کرلی گئی ہیں۔
۴. وزیر جنگلات جاوید احمد رانا نے ہدایت دتی کہ پونچھ گا یوگا پارک نانہ بہتر بنایو جے۔
۵. محکمہ موسمیات نے الرٹ جاری کیو ہے کہ 17 تیں 19 اگست توڑی جموں کشمیر مانہ موسلا دھار بارش تے تیز ہواواں گا مکان ہیں۔

LG CLOUD BRUST

لیفٹیننٹ گورنر منوج سنہا نے اج اعلیٰ افسراں گے نال گل بات کی تے کشتواڑ گا چسوتی علاقہ مانہ خوفناک سیلاب تیں بعد امداد بارے آپریشن گوجانزو لیو۔ اک سماجی میڈیا پوسٹ مایل جی موصوف نے یقین دواو کہ تمام نقصان شدہ گھراں نانہ دوبارہ تیں تعمیر کیو جے گوتے افسراں نانہ ہدایت دتی گئی ہے کہ متاثرہ خانداناں نانہ فوری امداد تے ضروری اشیاء نانہ فراہم کیو جے۔ علاقہ مانہ فوج، این ڈی آرایف، ایس ڈی آرایف تے مقامی انتظامیہ دن رات کم کر رہی ہے تانجے لاپتہ افراد نانہ تلاش کیو جاسکے تے زندہ بچن آلاں نانہ امداد فراہم کی جاسکے۔

CM CHASOTI

وزیراعلیٰ عمر عبداللہ نے اج کشتواڑ گا چسوتی گراں گودورو کرگے اُت بدل پھٹن سنگ آسایلاب نال ہوا نقصان گوجانزو لیو۔ آکاش وانی جموں گانمانندہ نے خبر دتی ہے جے راحت تے بچاؤ آپریشن گئی نگرانی کرن آلا اک سینئر فوجی افسر نے وزیراعلیٰ ناں آپریشن بارے جانکاری دتی۔ سیلاب سنگ ہوا نقصان گواندازو لان تے اس ناں سمجھن واسطے وزیراعلیٰ ناں ورچول ریلٹی ہیڈ سیٹ وی دستیاب کرایو گیو۔ حادثہ آلی جا ورا جاں وی بچاؤ تے امدادی آپریشن جاری ہے۔ اپنا دورہ گے دوران وزیراعلیٰ عمر عبداللہ نے میڈیا نمائنداں سنگ گل کرتاں اس طرح کہیو۔

CM EX-GRATIA

وزیراعلیٰ عمر عبداللہ نے امدادی فنڈ تیں امداد بارے اعلان کیو ہے۔ مرن آلاں غالواحقین نانہ 2 لکھ روپیہ، تے معمولی زخمیاں نانہ 50 ہزار روپیہ دتا جیں گا۔ نقصان دہ مکانات واسطے معاوضہ، 25 ہزار روپیہ تیں 1 لکھ روپیہ توڑی غی رقم وے گی۔ مکمل تباہ شدہ مکان واسطے 1 لکھ روپیہ، شدید نقصان آلا مکان واسطے 50 ہزار روپیہ تے جزوی نقصان آلا مکان واسطے 25 ہزار روپیہ دتا جیں گا۔ متاثرہ علاقاں مانہ بنیادی ڈھانچہ کی فوری مرمت غاوی احکامات دتا گیا ہیں۔ وزیراعلیٰ نے اس بارے مزید اس طرح کہیو۔

MOS PRESS CONFERENCE

مرکزی وزیر ڈاکٹر جتندر سنگھ اج جی ایم سی اسپتال جموں پجیاتے کشتواڑ بدل پھٹن غا حادثہ مانہ زخمی ہوا افراد تیں ملاقات کی۔ انہاں نے علاج تے باز آبادکاری واسطے ہر ممکن مددگی یقین دہانی کرائی۔ پریس کانفرنس تیں خطاب کرتاں واں، ڈاکٹر جتندر سنگھ نے اس طرح کہیو۔

JKRTC FREE BUS

نے مچیل ماتا یاتریاں واسطے مفت بس سروس شروع کی تانجے حالیہ سیلاب تیں متاثرہ JKRTC یاتریاں نانہہ جموں توڑی محفوظ پجایو جاسکے۔ اے آرٹی او کشتواڑ تسلیم وانی تے جے کے آرٹی سی اس ورذاتی طور پر نگرانی کر رہیاہیں۔ تانجے یاتریاں نانہہ سفر مانہہ کائے دشواری پیش نہ آوے۔ اک سماجی میڈیا پوسٹ مانہہ گڈیاں لاریاں بارے کمشنر ویش مہاجن نے دسیو کہ جے کے سلیپر بس ایسوسی ایشن وی سامنے آئی ہے تے مفت بس سروس فراہم کر رہی ہے۔ انتظامیہ دن رات کم کر رہی ہے۔ تانجے تمام یاتری اپنا گھر محفوظ طریقہ سنگ پچ سکین۔ اس بارے مزید گل کرتاں واں اے آرٹی او کشتواڑ تسلیم وانی تے اس طرح کہیو۔

ITOO HEALTH CARE

صحت تے نوجواناں نانہہ باختیار بنان واسطے ایک بڑو قدم چاتاواں، جموں کشمیر کابینہ نے 7 نواں، سرکاری طبی کالج مانہہ اسسٹنٹ پروفیسر غی 105 آسامیاں بنان غی منظوری دتی ہے۔ برگورنمنٹ طبی اسپتال واسطے 15 آسامی رکھی جیں غی تے انہاں نانہہ براہ راست پرتھی واسطے جموں کشمیر پبلک سروس کمیشن نانہہ پیج دتو گیو ہے۔ وزیر تعلیم سکینہ اتونے سماجی میڈیا پوسٹ مانہہ دسیو کہ یوہ قدم طبی تعلیم نانہہ مضبوط بنان تے باصلاحیت ڈاکٹراں واسطے نواروزگار غو موقعو فراہم کرن گے نال جموں کشمیر مانہہ صحت غا نظام نانہہ مزید بہتر بناوے گو۔

RANA POONCH

جنگلات تے قبائلی امور بارے وزیر جاوید احمد رانا نے اج پونچھ مانہہ شیر کشمیر پل غے قریب جوگر پارک گو دورو کیوتے آبپاشی تے سیلاب کنٹرول محکمہ نانہہ ہدایت دتی کہ پارک گا ڈھانچہ نانہہ ہور بہتر بناوے۔ انہاں نے افسراں نابدایت دتی کہ پولیس لائن توڑی جوگنگ گارستہ نانہہ بدھاویں تے اس ور مصنوعی سطح بچھان واسطے ایک تفصیلی پروجیکٹ رپورٹ تیار کریں۔ یاد جدید سہولت، دریاگے کنارے رہائشیاں نانہہ بہتر تے معیاری جوگنگ گی جگہ فراہم کرے گی۔ اس قدم گو مقصد صحت نانہہ فروغ دینو تے عوامی مقامات نانہہ بہتر بناوے، تانجے پونچھ گا لوکاں غی زندگی معیار زندگی بہترین سکے۔

JANAMASHTMI

جنم اشٹمی گو تہوار جہڑو بھگوان شری کرشن جی گو جنم تہاڑو ہے اج جموں صوبہ مانہہ عقیدت گے نال منایو جا رہیو ہے۔ عقیدت مند، مندران مانہہ جاگے بھگوان کرشن گی پوجا کر رہیاہیں۔ جموں تے دیگر مذہبی مقامات گا موقع ور خوبصورتی سنگ "ISCON" شہرگا مختلف مندران مانہہ بشمول سجاوگیو ہے۔ آکاش وانی گا خبراں آلا شعبہ سنگ گل کرتاں واں کجھ عقیدت منداں نے اس طرح کہیو۔

WEATHER

محکمہ موسمیات نے 17 تیں 19 اگست توڑی الرٹ جاری کیو ہے۔ جموں صوبہ گا کئی علاقاں مانہہ گرج چمک گے نال درمیانی تے شدید بارش گی پیش گوئی کی ہے۔ جن ماں جموں، ریاسی، اودھم پور، راجوری، پونچھ، سانبہ تے کٹھوہ شامل ہے۔ تے کجھ مقامات ور بھاری بارش وی ہوسکے۔ ڈوڈہ، کشتواڑ، رام بن تے کشمیر گا کجھ حصاں مانہہ تیز ہواتے طوفان آن غا امکان ہیں۔ پہاڑی علاقاں مانہہ بادل پھٹن، زمین کھسکن تے سیلاب گو خطر ہے۔ عوام نانہہ مشورو دتو گیو ہے کہ دریاتے نالاں تیں دور رہیں۔ سیاحاں تے مسافراں نانہہ ہدایت دتی گئی ہے کہ سوچ سمجھ کے سفر کریں۔

PTC ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہہ دلچسپی رکھن آلا ایسا امیدوار درخواست دے سکیں گا جہیزا ضلع جموں گا بسنیک وین تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہہ ڈگری یا فیر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ 31 اگست 2025 توڑی ور دستیاب ہے۔ www.newsonair.gov.in دے سکیں۔ اس بارے مزید جانکاری ویب سائٹ

AIIMS JAMMU

جموں نے اک بڑی کامیابی حاصل کی ہے تے آؤٹ لک میگزین 2025 کی گورنمنٹ طبی AIIMS یونیورسٹیاں غی رینکنگ ماملک بھرمانہہ 7 ووں مقام حاصل کیو ہے۔ جہڑوایمز دہلی تیں فوراً بعد ہے۔ 1000 وچوں 910 ادارہ تے تعلیمی معیار، تحقیق، ڈھانچہ تے انتظامی کارکردگی مانہہ بہترین کارکردگی دسی ہے۔ ایمز جموں مانہہ ہُن توڑی 2 لکھ 60 ہزار تیں متا مریضاں گو علاج کیو گیو ہے تے 1800 تیں متا آپریشن ہوچکا ہیں۔ ایگزیکٹیو ڈائریکٹر ڈاکٹر شکتی کمار گپتارنے کہیو کہ یاہ کامیابی اچھی قیادت تے قومی صحت کی پالیسیاں غی وجہ تیں ملی ہے۔
